



*Iesus est mis en sepulture par Ioseph d'Arimathie, assisté
de Nicodeme.*

S I Ioseph est à louer pour les offices de pieté qu'il auoit faits à Iesus-Christ laissant toute crainte premiere qu'il auoit eue d'estre méprisé des Scribes & Pharisiens. Pour pareil deuoir Nicodème doit aussi estre titré d'honneur, de ce qu'ayant apporté vne confection de myrrhe & d'aloës d'environ cent liures, ledit Ioseph & Nicodème prirent le corps de Iesus, & le lierent de linges avec odeurs aromatiques, comme la coustume des Iuifs estoit d'enseuelir les morts. Or il y auoit vn Iardin au lieu où il fut crucifié, & au Iardin vn sepulchre neuf, dans lequel ils mirent Iesus, lequel sepulchre auoit esté taillé en vn roc, auquel nul n'auoit encore esté mis : & Marie Magdeleine & Marie mere de Ioseph estoient là assises prés le sepulchre ; & estoit le iour de la preparation des Iuifs, & à cause de la preparation ils y mirent Iesus, d'autant que le sepulchre estoit prés ; & Ioseph roula vne pierre à l'huis du monument, & Marie Magdeleine & Marie mere de Iesus regardoient où il seroit mis. Et quand elles furent retournées, elles preparerent des baulmes & fenteurs : & le iour du Sabbath fut passé en repos selon l'ordonnance de la Loy.

S. Matthieu Chap. 27. S. Marc Chap. 15. S. Luc Chap. 23. S. Iean Chap. 19.